

Prof.dr. Lejla Turčilo

Redovna profesorica

Vijeću FPN

MOLBA ZA IZUZEĆE IZ KOMISIJE ZA OCJENU I ODBRANU MASTER TEZE

Odlukom Vijeća FPN broj 01-3-42-50-2/19 od 24.1.2019. imenovaa sam u komisiju za master rad Nejire Hasanbegović pod naslovom „Fenomen društvenih mreža iz aspekta bosanskohercegovačke javnosti“. U martu 2021. na čitanje sam dobila prvu radnu verziju za ocjenu, koju smatram metodološki i akademski nedostatnom, odnosno smatram da je potrebno učiniti korekcije. O tome sam i ja, a i ostale dvije članice komisije obavijestile mentora doc.dr. Mustafu Sefu putem emaila, kazavši kako ovakvu verziju rada ne možemo podržati, odnosno ne možemo potpisati pozitivan izvještaj. No, kolega je svoj bijes usmjerio isključivo na mene, uputivši mi ironičan i diskreditirajući klevetnički email (u prilogu).

Budući da ovo nije prvi put da dobivam ovakve mailove, te da su slične dobivale i druge kolegice, želim obavijestiti Vijeće o sljedećem:

- Master teza na koju imam primjedbe dostupna je u Studentskoj službi te se i sami možete uvjeriti u nivo njenog (ne)kvaliteta. Molim posebno kolege metodologe da o njoj daju sud. Kako sam već rekla, sve tri članice komisije nisu je potpisale.
- Na objede kolege na moj račun ostat ću nijema, nastavljajući vjerovati da me nakon 20 godina rada na FPN najbolje brane moje reference i postignuća, kao i reputacija koju imam među studentima i u javnosti (unatoč činjenici da je ovo Vijeće nerijetko selektivno pristupalo (ne)postojanju referenci svojih članova, što nas i dovodi do ovakvih situacija danas).
- Htjela bih samo ukazati da ovu vrstu komunikacije i pritiska ja trpim već nekoliko godina, kao posljedicu mog stava na Vijeću o određenim izborima u zvanja. Uporno se iz nje

povlačim kako bih izbjegla konflikt. Iz tog razloga sam, nakon poziva na sastanak tadašnjeg dekana, predala kolegi dio svoje norme, odnosno jedan predmet službenim dopisom, kako bih se oslobodila pritisaka. Otkako sam izabrana za sefa Odsjeka na svaki prigovor na zapisnik, kao i mailove pune optužbi lične prirode, odgovaram poslovno i profesionalno. Ne iznosim personalne napade kojima sam izložena ni unutar ni van kuće, nastojeći ne narušavati imidž FPN koji smo strpljivim i napornim radom sadašnjeg menadžmenta značajno popravili u akademskoj i općoj javnosti.

- No, nakon nekoliko godina kontinuiranih napada, nakon naručenih botovanja i lažnih portala koji me nastoje diskreditovati i zaplašiti, nakon uvreda lične prirode i dugogodišnje opsesivne fiksacije na praćenje mene i mojih aktivnosti od strane jednog broja članova mog Odsjeka, hoću vas obavijestiti da sam razvila subjektivni osjećaj fizičke ugroženosti i brigu za svoju sigurnost.

Od Vijeća ne očekujem nikakvu reakciju osim da me se u potpunosti izuzme iz članstva u navedenoj komisiji, čime ćete mi uštedjeti na trpljenju osobnih napada. Molim vas stoga da **glasate za imenovanje komisije koja će ocijeniti master tezu, a iz koje ću ja biti izuzeta. Ta komisija može biti nova ili me može zamijeniti rezervna članica, meni je osobno sasvim svejedno, samo da se ja iz svega povučem.**

Zahvaljujem svim kolegicama i kolegama koji, znajući kroz šta prolazim, šalju poruke podrške uz napomenu da "znaš već zašto ne mogu ovo javno". No, molim ih, zbog sebe i svog dostojanstva, kao i zbog činjenice da lako sutra mogu biti na mom mjestu, te zbog činjenice da se ovakve vrste personalnih napada događaju i drugim kolegama na drugim odsjecima, da više ne poginjemo glavu pred argumentom sile i ne zatvaramo oči pred očiglednim.

S poštovanjem,



Prof.dr. Lejla Turčilo

U PRILOGU: Osvrt članica komisije na master tezu, moj zahtev za izuzećem unaprijed (budući da sam znala kako će se situacija odvijati) i mail mentora upućen isključivo meni, u svrhu napada i diskreditacije